

立法會 CB(2)2699/06-07(20)號文件


Fax: 25099055

致：立法會公聽會秘書處

在細心閱讀了《政制發展綠皮書》後，作為小市民，我感到有責任話比政府知，我作為市民的一D意見。對於太深層次的政治理念，我不會得講，我只知到如果太激烈去抗爭一D大勢不允許你達到的目標，就不要逆勢而行。否則，就會適得其反。因為無論你掂攞，到最後仍需中央政府拍板，先可通過。中央政府對你未有足夠信心之前，你霸王硬上弓，一定要去馬，我覺得是非明智的選擇。何必咁急呢？，過去150年都等得咯，不在乎等多幾年啦。就我認識的市民中，又的確好多人都未有幾多政治智慧嘅。叫我地咁快一人一票去選特首，真係唔係咁易選擇嘅。萬一比人錯誤咁引導，選擇佢個唔係真心想搞好香港繁榮安定嘅人做特首，咁就苦過只鴨仔啦。我地D小市民，唔識咁多嘢，一句講晒，不論你“曾蔭權”還是“權蔭曾”做特首，我地只得一個祈求：就是搞好經濟，有工做，有飯開，唔好三日唔埋二日又話要裁員，減人工，繁榮安定最為重要。我只知到一條好簡單嘅道理：中央唔支持香港，香港就無運行，就好難有豐盛的日子過。

為此，我想講比政府知：

- 1、我贊成循序漸進去作普選。這絕非聽不聽“北大人”話咁簡單，而係比長D時間我地D小市民去認識各位政治領袖，也都要比多D時間同機會，讓各位政治人物去發揮同表現，我地D市民先可以睇清楚，邊一個先至係真心為香港好，邊一個除佢有心仲要有能力、有智慧能夠擔起重任，我地先至可以選出真正乎合自己要求嘅特首。
- 2、我贊成功能組別必須保留。因為咁先可以平恆各個階層之利益。雖然我都係打工仔，但係如果無各階層的聲音，淨係得一班勢力大嘅人出來噪噪閉，話晒事，咁好易搞出事，同埋好易被誤導嘅。



一位小市民：李 凱 鷹

2007年9月8日